



[www.BibleForChildren.org](http://www.BibleForChildren.org)



San Juan 14



Ta catyí ra Jesús: –Ma caca xaan xiñi ndo. Chino iñi ndo chi Nyoo, ta chino iñi ndo chii. Vehe Suti cuaha xaan nuu coo ndo iyó. Tyehe ta ñima tyicuan caa, cha naha catyí yuhu chi ndo.



Ta cuhin cusanduvahi noo nu coo ndo. Ta cha yaha cha cuhin ta sanduvahi nu coo ndo, ta cuquichi inga chaha, quichi naquehin chi ndo. Tacuhva cunyaa ndo nu cuacunyai.




Yuhu ra Juan cuví yañi nyoho. Ta ñin ri nyehé yo  
tindoho. Ta ñin ri nyacá ñaha Nyoo chi yo. Ta  
ñin ri cunyeé xaan yo ñáá ndihí cha cuví

chi yo vatyi tyinyeé ra  
Jesucristo chi yo.



Ñoh̄o yuhu vehe caa noo ñuhú cha nañí Patmos  
cha nyaá mahñu tyañuhu. Ñoh̄i vehe caa cha  
cuenda vatyi cahín tuhun Nyoo cha

quich̄i sañaha ra  
Jesucristo.



Ta caa cuhva ri cuan ta tuv̄i iñi vatyi ñihi vavaha nyaá  
Tatyi li Nyoo chihin. Ta nanyeh̄i noo tyayu nanyaá nya  
andivi. Ta nyaá noo ra nuu tyayu cuan.




Ta chiñi tiqui cha cahán tandihi cha savaha Nyoo,  
tandihi cha iyó andivi, ta siqui ñuhu ñayivi, tandihi cha  
iyó chichi ñuhú, ta chichi tyañuhu,  
tandihi cha savaha Nyoo catyí chi  
tyehe caa: Cahnu xaan ca cuví ra  
cha nyaá nutyayu. Cahnu xaan ca  
cuví ra cuví Mbee Luhlu.

Ta nacuhva yo  
gloria chi ra.  
Ta na cunyaca  
ñaha ra tandihi  
maa tyembu,  
catyí tandihi  
cha savaha  
Nyoo.



Yuhu ra Juan nyehi ñuu ii Jerusalén chaa cha vachi noó ityi andivi nu nyaá Nyoo. Ta tyaqui xaan nduvij chi tari noo ñaha cha cua tandaha chihin noo ra, tyicuan caa nduvij chi. Ta chiñi noo ndusu ñihi cha quita ityi andivi, ta catyí chi: –¡Nyehe ihya! Nyoo, iyó ra mahñu ñáyivi. Ta cua coo ra chihin ñu. Ta maa ñu cua cuvi ñu ñuu ra. Ta cua cunyaa ra chihin ñu. Ta cua cuvi ra Nyoo cuenda ñu.



Tyicuan ta sañahā ángel cuan noo yuvi cuii vavaha chii.  
Ndutya cha chahá cha conyito yo cuví. Cuii vavaha tari  
noo yutyi finu. Ta quitá yuvi cuan nuu nyaá tyayu Nyoo  
ta nu nyaá ra cuví Mbee Luhlu.



Ñuu cuan ña chiñuhú cha sacundichín ñanyii. Ta ni cha ndichin yoo ta ña chiñuhú. Vatyí suri maa cha ndichin Nyoo chihin ra cuví Mbee Luhlu cuví cha sacundichin chichi ñuu cuan.



Soco ma cuvi quihvi cha quiñi caa. Ni noo ñu sacuví  
cha quiñi caa, ni ñu cuendu ma cuvi quihvi ñu. Noo ri  
maa ñu nyaá sivi nu libru ra  
cuví Mbee Luhlu cuquihvi  
ñu, vatyí cuconyito ñu  
chihin ra tyicuan  
ri maa.




Ta Nyoo cunacuhva ra ndutya nuu ñu. Ta ma cúvi ca ñu. Ta ma cucuihya ca iñi ñu. Ma cuacu ca ñu vatyí ma nyehe ca ñu tindocho. Ta ma nyehe ca ñu cha uhvi. Vatyí tandihí cha chiyo, cha yahá tuhun –catyí chi.




Ñuu cuan, ñahri maa cha ña vaha cucoo vatyí yucuan  
nyaá Nyoo nu tyayu ra ta cucunyaca ñaha ra chihin ra  
cuví Mbee Luhlu. Ta cusacahnu ñu cuenda ra chi ra.


Ta cunyehe ñu chi ra  
chihin nuu ñu. Ta cua  
cunyaa sivi ra  
tyaan ñu.




Ta nyehi chi tandihi ñu ndiyi, ñu chahnu ta ñu nyihi,  
tayucú ñu nuu Nyoo. Tyicuan ta canuñá libru cha nyaá  
tandihi cha sacuvi ñu quivi chiyo ñu ñayivi. Ta nuña  
tucu inga libru cha nyaá sivi ñu cha cuconyito tyicuan ri  
maa chihin Nyoo. Ñu ndiyi cuan  
cuacutuñi chi ñu ñáá ndihi cha  
chinyacuvi ñu cha nyaá nu tandihi  
libru cuan. Ta yucuan  
tuchi ra chi ñu cha  
ñahri sivi nyaá nu  
libru cha cuenda  
ñayivi cha cua  
conyito chihin  
Nyoo tyicuan  
ri maa.



Tatyí li Nyoo ta ñasihi ra cuví Mbee Luhlu cha cuví ñu  
cuenda ra, catyí ñu tyehe caa: –Ñaha, Sutu Mañi yuhu  
–catyí ñu. Ta ñu chiñí tuhun ihya, ta catyí ñu chi ra:  
–Ñaha –catyí ñu.



Ta ñu ityi ndutya cha conyito yo chihin, ta tandihĩ ñu  
cuñí quichi, na quichi ñu ta coho ñu ndutya cha chahá  
cha conyito añaima yo, ta ñahri cutyiyahvi ñu.



'Vatyi Nyoo cuñí xaan ra chi tandihí  
ñáyiví iyó síqui ñuhu ñayiví. Yucuan  
cuenda chahá ra vatyi cúvi Sehe mañi ra  
nu cruzi cha cuenda ñu. Tacuhva vatyi  
tandihí ñu cha chinó iñi chi Sehe  
ra, ma cunaa ñu, soco coo  
ñu noo ñayiví cha  
ma naa ca  
maa.



Romanos 3:23 Tandihí ri ñáyiví sacuví ñu cuatyí, ta cañi  
xaan nyaá ñu chihin cuhva cuñí Nyoo, ta cha tyaqui Nyoo  
ma cuvi cunyaa chihin ñu.

Romanos 6:23 Cha sacuví yo cuatyí, ican cuan chahá  
tuhun chihi chi yo. Soco tumañi iñi cha chahá Nyoo chi yo,  
ican cuan cuví ñayiví cha ma naa ca maa. Ta ican cuan  
chahá ra ta ñahri tyiyahvi yo, cha cuenda cha iin ri cuví yo  
chihin ra Cristo Jesús, Sutu Mañi yo.

Hebreos 9:27 Noo ri chaha, cúvi yo ta yaha cuan ta  
cucutuñi chi yo.



Efesios 2:8,9 Vatyí cha sacacú Nyoo chi yo cuví chi noo cha chahá ra chi yo. Ta naquehén yo tumañi iñi cuan chihin cha chinó iñi yo chi ra. Ta cha sacacú Nyoo chi yo ñima noo cha cuví sacuví maa yo cuví. Vatyí yucuan cuví noo tumañi iñi cha sacuví ra chihin yo. Ñima cha cuenda cha sacuví yo cha vaha ta cuita iñi yo cha sacacú cuan chi yo. Tyehe ta cuví chi tyicuan caa, cahnu cusaha yo chi yo.

Romanos 10:9,10 Tatu chihin yuhun catyún vatyí ra Jesús cuví Sutu Mañi yo, ta chihin añaímon chinó iñun tyi Nyoo sanandoto ra chi ra cha yahá chihí ra, cucacu añaímon. Vatyí chihin añaíma yo cuñí chi chino iñi yo chi ra Cristo tacuhva cuvi cuvaha yo nuu Nyoo, ta chihin yuhu yo tahán chi catyí yo tyi chinó iñi yo, tyicuan ta cacu añaíma yo.



San Juan 3:16,17 'Vatyí Nyoo cuñí xaan ra chi tandihí ñáyiví iyó síqui ñuhu ñayiví. Yucuan cuenda chahá ra vatyí cúvi Sehe mañi ra nu cruzi cha cuenda ñu. Tacuhva vatyí tandihí ñu cha chinó iñi chi Sehe ra, ma cunaa ñu, soco coo ñu noo ñayiví cha ma naa ca maa. Nyoo ña tachí ra chi Sehe ra síqui ñuhu ñayiví vatyí sacunaa ra chi ñáyiví, soco tachí ra chi ra na sacacu ra añaíma ñu tacuhva ma cahun ñu anyaya cha catyí cuatyí ñu.

1 San Juan 5:11-13 Ta ican ihya cuví tuhun cahán Nyoo chihin yo: Catyí ra tyi chahá ra noo ñayiví chaa coo yo tatu chinó iñi yo vatyí ra Jesucristo cuví Sehe ra. Ñu cha nyaá Sehe Nyoo añaíma, iyó ñu ñayiví chaa ihya. Ta ñu cha yori Sehe Nyoo nyaá añaíma, ñahri ñayiví chaa cuan iyó ñu. Sacuhín tuhun ihya chi nyoho cha chinó iñi chi ra Jesús Sehe Nyoo, tacuhva coto ndo tyi cha iyó ndo ñayiví chaa cha ma naa ca maa.



San Juan 14; 2 Corintios 5; Apocalipsis 4, 21, 22

Storyline by: Edward D. Hughes

Illustrated by: Lazarus  
and Alastair Paterson

Adapted by: Sarah S.

Mixtec, Jamiltepec NT (mxt) © 1983, Wycliffe Bible  
Translators, Inc. All rights reserved.

<https://live.bible.is/bible/MXTTBL/MAT/1>

©2025 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

